



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

No 405 Ա/2

« 17 » Մարտի 2021թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ
ՆԱԽԱՐԱՐԻ 2015 ԹՎԱԿԱՆԻ ՀՈՒՆՎԱՐԻ 30-Ի N 38-Ա/Ք ՀՐԱՄԱՆՈՒՄ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի» մասին Հայաստանի
Հանրապետության օրենքի 33-րդ և 34-րդ հոդվածների 1-ին մասերով.

Հ Ր Ա Մ Ա Յ ՈՒ Մ Ե Մ

1. Հայաստանի Հանրապետության կրթության և գիտության նախարարի 2015 թվականի
հունվարի 30-ի «Հայաստանի Հանրապետության նախնական մասնագիտական
(արհեստագործական) և միջին մասնագիտական ուսումնական հաստատության
ղեկավարման իրավունք (հավաստագիր) ստանալու համար վերապատրաստման և
հավաստագրման քննությունների հարցաշարը հաստատելու մասին» N 38-Ա/Ք հրամանով
հաստատված հավելվածի «Կրթության ոլորտի թեստային առաջադրանքների» բաժնում.

1) 300-րդ, 303-րդ և 306-րդ կետերը շարադրել նոր խմբագրությամբ՝ համաձայն
հավելված 1-ի,

2) լրացնել նոր՝ 332-336-րդ կետերով՝ համաձայն հավելված 2-ի:

2. Հայաստանի Հանրապետության կրթության, գիտության, մշակույթի և սպորտի
նախարարության հասարակայնության հետ կապերի և տեղեկատվության վարչությանը՝
ապահովել հրամանի փոփոխության տպագրությունը «Կրթություն» շաբաթաթերթում և
տեղադրել Հայաստանի Հանրապետության կրթության, գիտության, մշակույթի և սպորտի
նախարարության պաշտոնական կայքում:

ՆԱԽԱՐԱՐ՝

ՎԱՀՐԱՄ ԴՈՒՄԱՆՅԱՆ

 Recoverable Signature

X 

ՎԱՀՐԱՄ ԴՈՒՄԱՆՅԱՆ

Հարց 300

Առկա (ստացիոնար) ուսուցման մրցույթին մասնակցելու համար ի՞նչ ժամկետներում են ընդունվում դիմորդի փաստաթղթերը.

Դիմորդի դիմում հայտը և փաստաթղթերն էլեկտրոնային եղանակով ընդունվում են կրթության կառավարման տեղեկատվական համակարգում ընդունելության պայմանների վերաբերյալ հայտարարության հրապարակման օրվանից սկսած.

- 1) Ոչ ոլորտային մասնագիտություններով՝ մինչև օգոստոսի 15-ը ներառյալ՝ ժամը 18⁰⁰,
- 2) Ոլորտային մասնագիտություններով՝ մինչև օգոստոսի 3-ը ներառյալ՝ ժամը 18⁰⁰, իսկ քննություններն անցկացվում են օգոստոսի 5-ից 15-ը ընկած ժամանակահատվածում:

(«Հայաստանի Հանրապետության նախնական մասնագիտական (արհեստագործական) և միջին մասնագիտական կրթական ծրագրեր իրականացնող ուսումնական հաստատությունների ընդունելության կարգը», 7-րդ մաս)

Հարց 303

Հեռակա ուսուցման համար ի՞նչ ժամկետներում են ընդունվում դիմորդի փաստաթղթերը.

Դիմորդի դիմում հայտը և փաստաթղթերն էլեկտրոնային եղանակով ընդունվում են կրթության կառավարման տեղեկատվական համակարգում ընդունելության պայմանների վերաբերյալ հայտարարության հրապարակման օրվանից սկսած մինչև նոյեմբերի 25-ը ներառյալ՝ մինչև ժամը 18⁰⁰:

(«Հայաստանի Հանրապետության նախնական մասնագիտական (արհեստագործական) և միջին մասնագիտական կրթական ծրագրեր իրականացնող ուսումնական հաստատությունների ընդունելության կարգը», 7-րդ մաս):

Հարց 306

Դիմորդը քանի՞ մասնագիտության հայտագրմամբ կարող է դիմել Հաստատություն ընդունվելու համար.

Մեկ ուսումնական հաստատություն մեկ մասնագիտության հայտագրմամբ՝ անվճար և վճարովի ուսուցման հիմունքով:

(«Հայաստանի Հանրապետության նախնական մասնագիտական (արհեստագործական) և միջին

Հարց 332

Ո՞ր պաշտոնն է համարվում թափուր տեղ.

Տվյալ մասնագիտության պետական կրթական չափորոշչով սահմանված առարկաները (մոդուլները) դասավանդող Մանկավարժի չգբաղեցրած պաշտոնը:

(«Նախնական (արհեստագործական) և միջին մասնագիտական պետական ուսումնական հաստատության մանկավարժական աշխատողի թափուր տեղի համար անցկացվող մրցույթի կազմակերպման և անցկացման կարգ». 2-րդ կետ)

Հարց 333

Ի՞նչ պահանջների բավարարող անձը կարող է դիմել թափուր տեղի մրցույթին.

Հանրակրթական առարկաների դասավանդման դեպքում՝ «Հանրակրթության մասին» Հայաստանի Հանրապետության օրենքով, իսկ մասնագիտական առարկաների դեպքում՝ տվյալ մասնագիտության պետական կրթական չափորոշչով սահմանված պահանջներին համապատասխանող անձը:

(«Նախնական (արհեստագործական) և միջին մասնագիտական պետական ուսումնական հաստատության մանկավարժական աշխատողի թափուր տեղի համար անցկացվող մրցույթի կազմակերպման և անցկացման կարգ». 14-րդ կետ)

Հարց 334

Մրցույթի անցկացման օրվանից քանի՞ օր առաջ պետք է հաստատվի մրցութային հանձնաժողովը.

Առնվազն 3 օր առաջ:

(«Նախնական (արհեստագործական) և միջին մասնագիտական պետական ուսումնական հաստատության մանկավարժական աշխատողի թափուր տեղի համար անցկացվող մրցույթի կազմակերպման և անցկացման կարգ». 19-րդ և 20-րդ կետեր)

Հարց 335

Ինչպե՞ս է կազմակերպվում թափուր տեղի մրցույթը.

Բանավոր՝ հարցազրույցի միջոցով, յուրաքանչյուր մասնակցի հետ առանձին:

(«Նախնական (արհեստագործական) և միջին մասնագիտական պետական ուսումնական հաստատության մանկավարժական աշխատողի թափուր տեղի համար անցկացվող մրցույթի կազմակերպման և անցկացման կարգ», 29-րդ կետ)

Հարց 336

Մրցույթի արդյունքում հաղթող է ճանաչվում այն Մասնակիցը.

Ով քվեարկության արդյունքում հավաքել է Հանձնաժողովի քվեարկությանը մասնակցած անդամների կեսից ավելի և առավելագույն «կողմ» ձայները:

Ում ընտրել է Հաստատության տնօրենը՝ քվեարկության արդյունքում Հանձնաժողովի քվեարկությանը մասնակցած անդամների կեսից ավելի և հավասար «կողմ» ձայն հավաքած Մասնակիցներից:

(«Նախնական (արհեստագործական) և միջին մասնագիտական պետական ուսումնական հաստատության մանկավարժական աշխատողի թափուր տեղի համար անցկացվող մրցույթի կազմակերպման և անցկացման կարգ», 40-րդ կետ)